

第五章 佛教之傳入與其文明

一、佛教之傳入 佛教何時傳入鄯善，史籍無考。其首見稱述者，爲晉釋法顯之佛國記。記云：『由敦煌行十七日，計可千五百里，得至鄯善國。……其國王奉法，可有四千餘僧，悉小乘學。諸國僧人及沙門，盡行天竺法，但有精粗。從此西行，所經諸國，類皆如此。』

按據法顯所記，始於弘始元年，發跡長安。弘始爲後秦年號，卽東晉隆安三年也（公元三九九年）。但據斯文赫定博士在其樓蘭古址所發現之佛教遺迹，有嘉平、（一）泰始年號之中國文字，是在魏晉之際，此地佛教已屬殷盛，皆在法顯至鄯善以前也。然則佛教究自何時始傳入鄯善？欲討論此問題，須先明佛教傳播路線。試以中國僧侶往印度取經路線作證明，先以法顯所經行者爲例。法顯由敦煌至鄯善後，復西行，到烏夷國，轉于闐。烏夷據一般學者解釋爲卽今之焉耆。如然，是由鄯善向北行，至高昌，再轉西南行至于闐也。故其記中有「直進西南行，路中無居民，涉行艱難」之語，蓋由焉耆橫過大沙漠而至和闐也。如由鄯善直西行，須經且末、扞彌而至和闐，卽北魏宋雲之所經行者是也。到和闐後，分爲兩路：慧景等先至竭叉國，法顯向經子合國南行入葱嶺，到於摩國。安居已，轉至竭叉國。按子合國卽宋雲之朱駒波國，玄奘之斫訶迦國，今莎車葉城南山谷中也。於摩國今地不詳所在，疑屬漢盤陀國境。宋雲求經記稱：八月初，入漢盤陀國，疑卽其地，卽今之蒲犁縣屬也。據佛國記：『法顯至竭叉後，再西行，向北天竺。在道一月，得度葱嶺，有一小國，名陀歷；順嶺西南行，其道艱阻，崖岸險絕；下有水，名新頭河，渡河便到烏菴國。』按此卽兩漢通罽賓之大道。前漢書罽賓國傳云：

『起皮山南，更不屬漢之國四，五。又歷大頭痛、小頭痛之山。盤石阪道，陜者尺六七寸，長者徑三十里，臨崢嶸不測之深淵。行者步騎相持，繩索相引，二千餘里，乃到懸度。』

後漢書德若傳云：『自皮山西南經烏耗，涉懸度，六十餘日，行至烏弋山離國。』